

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» մարտի 2016թ.

N-----Ա

ՈՐՈՇՈՒՄ

**ԷՂՈՒԱՐԴ ԹՈՒՄԱՆՑԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

Տալ համաձայնություն ՀԽՍՀ վաստակավոր մարզիչ, ֆիզկուլտուրայի և սպորտի սկանավոր գործիչ Էդուարդ Թումանյանի հիշատակը հավերժացնող հուշատախտակը Մոսկովյան փողոց հ.25 հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ԷՂՈՒԱՐԴ ԹՈՒՄԱՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

ՀԽՍՀ վաստակավոր մարզիչ, ֆիզկուլտուրայի և սպորտի ականավոր գործիչ, Երևանի Վ. Բրյուսովի անվան պետական լեզվահասարակագիտական համալսարանի նախկին պրոռեկտոր Էդուարդ Թումանյանը ծնվել է **1929**թ. :

1953-1982թթ. աշխատել է ԵՊԼՀ-ում՝ որպես ամբիոնի ավագ դասախոս, ամբիոնի վարիչ, պարտկոմիտեի քարտուղար և պրոռեկտոր: Աշխատանքային տարիների ընթացքում ստեղծվել են բոլոր պայմանները նրա՝ որպես սպորտի կազմակերպիչ, գիտական աշխատող, շինարար, հետազայում նաև քաղաքական և հասարակական գործիչ, լրագրող կայացման համար:

Էդուարդ Թումանյանը մեծ ներդրում է ունեցել Վ. Բրյուսովի անվան համալսարանի կառուցման գործում: Նրա մասնակցությամբ և ղեկավարությամբ կառուցվել է համալսարանի նոր մասնաշենքը (այժմ՝ Ռուս-հայկական (սլավոնական) համալսարան):

Էդուարդ Թումանյանի գործունեությունը համալսարանում չի սահմանափակվել միայն դասախոսական գործունեությամբ: Իր նախաձեռնությամբ և անմիջական ղեկավարությամբ **1954**թ. ստեղծվել է հանրապետությունում առաջին ուսանողական ինքնագործ սիմֆոնիկ-էստրադային նվագախումբը, որը հետագայում ստացավ համաժողովրդական ճանաչում, ինչպես նաև ճանաչելի դարձավ ԽՍՀՄ հանրապետությունների այլ քաղաքներում: Այդ ժամանակահատվածում առավել վառ կերպով բացահայտվեց Էդուարդ Թումանյանի երգահանական տաղանդը: Իր գրչին են պատկանում այնպիսի երգեր, ինչպիսիք են՝ «Այլ աչեր», «Շշնջա», «Նաիրա», «Երիտասարդական-լիրիկական» և շատ այլ ստեղծագործություններ, որոնք հանրապետությունում հայտնի են որպես ժողովրդական երգեր:

Էդուարդ Թումանյանի ղեկավարության տարիներին Վ. Բրյուսովի անվան համալսարանի կանանց ձեռքի գնդակի թիմը բազմակի անգամ դարձել է հանրապետության չեմպիոն:

Էդուարդ Թումանյանն իր աշխատանքային գործունեության տարբեր ժամանակահատվածներում աշխատել է հանրապետական սպորտկոմիտեի վարչության ղեկավարի, ՀԽՍՀ լուսավորության մինիստրության վարչության պետի, ԽՍՀՄ սպորտկոմիտեի Ծաղկաձորի գլխավոր սպորտբազայի փոխտնօրենի պաշտոններում:

1969թ. նա արժանացել է ՀԽՍՀ վաստակավոր մարզչի կոչմանը:

1972թ. Էդուարդ Թումանյանին շնորհվել է դոցենտի գիտական կոչում:

Բազմակի ընտրվել է Կոմկուսի շրջանային կոմիտեի անդամ, Երևան քաղաքի շրջանային խորհուրդների պատգամավոր:

Էդուարդ Թումանյանը մահացել է **2005**թ. Երևանում:

ՀԽՍՀ վաստակավոր մարզիչ Էդուարդ Թումանյանի հիշատակը հավերժացնող հուշատախտակը Մոսկովյան փողոց **հ.25** հասցեում փակցնելու վերաբերյալ միջնորդություններ են ներկայացվել Հայ Առաքելական Եկեղեցու Արցախի թեմի առաջնորդ, Երևանի Վ. Բրյուսովի անվան պետական լեզվահասարակագիտական համալսարանի շրջանավարտների միավորման նախագահ Պարզև արքեպիսկոպոս Մարտիրոսյանի և Գեղագիտության ազգային կենտրոնի գլխավոր տնօրեն Լ. Իգիթյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ՏԵՂԵԿԱՆՔ

«ԷԴՈՒԱՐԴ ԹՈՒՄԱՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՅՈՒՄՆԵՐ ԵՎ/ ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Էդուարդ Թումանյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

«ԷԴՈՒԱՐԴ ԹՈՒՄԱՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՅՈՒՄՆԵՐ ԵՎ/ ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Էդուարդ Թումանյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ